



# VAR AR PEOC'H.

1106

Compozet gant an Otrou VEY.

Var ton : *Potret Logivoy.*

**C**AERA urs deut demp a nevez ;  
 Eus abeurs ar Roue !  
 Joaiussa qêlou  
 Evidomp arruet !  
 Deut prest d'en sclauo ;  
 Bezit oll ravisset.

Ne qet ur c'hraç particulier,  
 Ne qet ur mad dister ;  
 Mes un abondang  
 A vad universel  
 A laqa en Franç  
 Ar joa ma da sevel.

Ar Peoc'h pel so voa desiret,  
 Zo roet deomp ha sinet.  
 O ! Peoc'h benig'et !  
 Deut deomp deus an Evou,  
 C'houi ra oll g'enet

Ar Rouantele zou.

Brezel cris, brezel miserabl,  
 Goalen incomparabl,  
 Qerz d'an ifernou,  
 Plaç a diouc hac a boan,  
 Na deu mui d'ar vro  
 D'on laqât oll en poan.

Na c'houi, Sozon, n'oc'h mui c'hoantee  
 Da vele o redec  
 Goad ar Vretonet,  
 Ho proïs, gouscoude,  
 Pa zoc'h retornet  
 Da ur guir garante.

Goude ur brezel dirollet,  
 Francisien, disquiset;  
 Spagn, Hollandisien,  
 Russianet ive,  
 Pa zoc'h dianqen,  
 Rentit gloar da Zoue.

Na vo mui a oel nac a gri,  
 Neus mui a enemi:  
 Na vo mui a gloas,  
 A ravach, a anqen,

A bill nac a laz  
Etre ar Gristenien.

Gloar ta dan Drindet e unan,  
Tad, Mab ha Speret gian,  
Ho tri ur Mæstr mat  
En ho Rouantelez,  
Eno eo e pad  
Ar peoc'h evit james.

Gloar ive deoc'h ha mil bennos,  
Princes ar Barados,  
C'houi laqa da ren  
Eur peoc'h spirituel,  
E calon an den  
Dre vertu ho Pug'el.

Guerc'hes Vari, c'houi ar g'entàn  
Patrones er vro-màn; (1)  
Deoc'h eo an homach,  
Deoc'h eo an drugare,  
Vit an avantach  
A recevomp hiric.

Bet oc'h eus truez o velet  
Ho pugale armet,

(1) Itron Vari ar Vur, Patrones Montreulez.

Ebars en distruch,  
 An eil eus eg'ile,  
 Vel en un diluch  
 O veuzi didrue.

Sinet ar peoc'h! oll provinçou,  
 Oll rouantelezou,  
 Perac n'oc'h-hu get  
 Demes eur memes fe,  
 Da renta parfet  
 Guir graçou da Zoue?

Na vouelet get, c'hoareset qes,  
 Achu ho tienes;  
 Ar Peoc'h a viro  
 Ho qerent, ho preudeur,  
 N'int mui d'eus ar vro  
 Da rancontr o maleur.

Bremâ ta, mamou ha tadou,  
 E chomo var o tro,  
 Evit o sicour  
 Er c'hlenvet, er yec'het,  
 Ha var ho labour,  
 Ar re hoc'h eus savet.

Bremâ oc'h quit da zioueret,

O piejou caret !  
 O ! grag'e cristen !  
 Deut da veva gante ,  
 Vel ma digompren  
 Da vugale Doue.

Pet o deus ho buez collet  
 Er brezel dirollet ?  
 Pet en deus, siouas ,  
 Collet o isili ,  
 Ha brêma int goas ,  
 Hac ho cherent hac hi.

N'ac a vam g'èz intanvezet,  
 A zo maleüruset !  
 Nac a vinoret  
 Zo diben, diberc'hen ,  
 Ho zadou collet,  
 O nerz hac o souten !

Ganêc'h bremâ, bugaligou ;  
 Ho tadou a chomo ,  
 Heb beza barnet  
 Da vonet d'ar vro bel ,  
 Hac eno lazet  
 Er gombatjou cruel.

Goude bremâ en he anne,  
 An oll, gant graç Doue,  
 A allo pleal,  
 Qit a goll, a berill,  
 Dre reus ordinal  
 En profit e famill.

Brêma, pa vo libr an trafic,  
 E c'hallo ar public  
 Tenna e brofit,  
 Meritet dre e boan,  
 Pêa ha gounit  
 Peoc'h ha muioc'h diboan.

Plijet gant Doue, pinvizen,  
 Rei deoc'h sonjou cristen,  
 Ma vo soulajet  
 Deus ho comodite,  
 Ar beorien rentet  
 En goal necessite.

Mar oc'h eus neb truez, pedet  
 Vit ar re decedet,  
 Ho deus er gombat  
 Recevet ar maro  
 En ur mor a voad  
 Evit difen hor bro.

Ar Peoc'h a vezur amitie,  
 A ro prosperite;  
 Ar Peoc'h a ro joa,  
 A gresq ar vertuziou,  
 Ar peoc'h a bella  
 Proces ha malheuriou.

Neus qet evel peoc'h an ene  
 Da servicha Doue,  
 An den trubillet,  
 Nac an den tribuillus,  
 N'a bossedo qet  
 Rouantelez Jesus.

Ret eo caout peoc'h gant hon nessa  
 D'en em santifia:  
 Neus nemet malheur  
 Vit ar re a vezur  
 Enep o breudeur  
 Cassoni dinatur.

Peoc'h santel! present hep e bar;  
 Chomit var an douar;  
 Deus ar Finister  
 Chasseit ar bresel,  
 Qen particulier



Ha qen universel.

Renit ar Peoc'h er c'homuniou  
 Hac en tieg'ezou,  
 Bremân da vigen,  
 Renet er gonsiang  
 Dre ar binijen,  
 Pe dre an inoçanç.

Tud a vresel a bep coste  
 Hac a bep qalite,  
 Pa zoch mignonet,  
 Rentit gloar da Zoue,  
 Bezit unisset  
 Bete fin ho pue.

*D'ar Generalet ha d'ar Zoudardet a Franç.*

C'houi oll oc'h eus meritet mat,  
 Dre gourach er gombat,  
 Soutenit atao,  
 Dre furnez ha prudanç,  
 Bete ar maro,  
 Ar Rouantelez Franç.

**FIN.**

---

E Montroulez, e ti LÉDAN, e ru ar Vur.